

quam autem ciuitate sedem habuerit, haud clarè in Concilijs dicitur. Verum apud Artanissam fuisse ex hoc conijcio, quòd præcipua huiusce Regionis Vrbs fuerit; de hac Ptolem. lib. 5. cap. 10. necnon Arrianus in suo maris Euxini Periplo: sed huius Episcopum nullum in Concilijs, vt verum fatear, reperi.

L A Z I C A.

COlchis apud Ptolemæum lib. 5. cap. 10. regio est ad Pontum sita, quam Procopius libro 1. Persicorum postea Lazicam dictam fuisse scribit. In ea prædicatū fuisse Euangelium sicut in Iberia tempore Cōstantini ex ipsius Iberiæ vicinia facile conijcitur. Attamen Episcopum Phazidis huius regionis Metropolis, neminem in Concilijs legi ante Theodorum qui in generali 6. Phazidis Lazicæ prouinciæ dicitur. Ibidemque Ioannis ciuitatis Petrarum Prouinciæ Lazorum Antistitis etiam mentio fit.

Haftenus de sedibus Episcopalibus sub Patriarcha Constantinopolitano eique subditis Metropolitans, constitutis. Eas autem tantò difficilius per ordinem digessimus, quòd in harum prouincijs assignandis Notitia antiqua, nec inter se, nec cum Ptolemao, nec cum subscriptionibus Conciliorum, nec ipsa subscriptiones Synodica saepe numero inter se conueniant. Imò his situs à Ptolemao assignatus à Notitijs & Concilijs ita quandoque discrepat, vt quin multis in locis, aut tabula illius Geographicae aut cetera antiquitatis monumenta librariorum incuria deprauata fuerint, dubitari non possit. Id autem licet de hoc Patriarchatu præcipue dicatur, non tamen est quod alios à mendis similibus prorsus immunes asseneremus. Quid nos in tantà sententiarum varietate consilij & ordinis ceperimus, si quæras, nos plurium auctoritatem vnius sententia ex hoc anteposuisse dicemus, quòd in ore duorum aut trium testium stet omne verbum.

Sed & Lectorem monere haud omitendum ducimus, quòd licet admodum pauca ex Barbaricis prouincijs sedes Episcopales hic à nobis enumeratae sint, plurima tamen in ijs extitere. Omissionis nostra hancce rationem proferre possumus, quòd regionum quæ extra Romani Imperij limites fuere, nulla peruenit ad nos Ecclesiastica Notitia: ideoque hæc, in qua ciuitate primorum seculorum Patres posuerint, ignoretur. Satis de re tam obscura dicere nobis visum est, si omnes vniuersi orbis Ecclesiastici quarum, situs incertus habetur, vna serie ad calcem huius operis recenseamus. Si quis perspicacioris visus Barbaricas ab alijs discernat, vel quarundam locum proprium dignoscat, haud inuidebimus, imò huius operam tanquam Notitia antiqua Ecclesie adeo utilem, laudabimus.